

Edip Asanov

Arabacı

sözler ve muzıka – Edip Asanov

Gece-kündüz saruşım bús-bütün,
Ögüt bermege kimniñ bar aqqı?
Menim ömrüm öyle keçe er kün.
Gönlüm hasta ve ilâcım raqı.

Seni çoqtan coydım men, sevgilim.
Ayat ondan berli çoq deñiştı.
Meyhane oldı benim evim,
Ve er şey bu dünyada qarıştı.
Meyhane oldı benim evim,
Ve er şey bu dünyada qarıştı.

Bağlama:

Arabacı, arabacı, inan, bu yalan ve boş dünyada
Menim için, arabacı, eñ yaqın adamsıñ sen.
Qamçılasa, arabacı, atıñ kene de yavaş çapa da.
Bağışlasa, arabacı, bugün pek saruşım men.

Öyle oldı yürek dayanacaq.
Taqdir yazğanı ep bir olacaq.
Fayton köpçekleri tez aylana.
Yürek oña kün künden baylana.

Fayton içinde men ögge uçıp,
Nafle ozmaq isteyim keçkenni.
Aldanam öz-özümnden qaçıp,
Oldı olacağı coydım seni.
Aldanam öz-özümnden qaçıp,
Oldı olacağı coydım seni.

Bağlama.

Edip Asanov

Ayat

sözler ve muzika – Edip Asanov

Kimse bilmey nedir ayat.
Belkim oyun şamata.
Neçün öyle aşığıtırıp
Soñ bizni ille yuvarlata.

Biznen saqlançaq azçiq oynap,
Yoldan ura da, küle.
Ne tapacañ ne coyacañ
Bu yalan dünyada kim bile.

Ah, ömürim, çoq sınavlar
Başımızğa avdarasıñ.
Eger bugün sen küldürseñ,
Yarın kene ağlatasıñ.

Ah, ömürim, ağuvlarıñ
Belkim kimerde pek çoqtır.
Lâkin, ömrüm, senden tatlı
Bu dünyada bir şey yoqtır.

Kimse bilmey nedir ayat,
Neçün o biznen oynay.
Tosat-tosat suvuq ola,
Soñ baqasıñ öyle bir qaynay.

Eger birisi yardım etse,
Başqası ayaq çala.
Ömür tüsü çoq deñişe:
Ya beyaz, ya da qara ola.

Ah, ömürim, çoq sınavlar
Başımızğa avdarasıñ.
Eger bugün sen küldürseñ,
Yarın kene ağlatasıñ.

Ah, ömürim, ağuvlarıñ
Belkim kimerde pek çoqtır.
Lâkin, ömrüm, senden tatlı
Bu dünyada bir şey yoqtır.

Lâkin, ömrüm, senden tatlı
Bu dünyada bir şey yoqtır...

Edip Asanov

Aylana köpçek

sözler – Yunus Qandım, muzıka – Edip Asanov

Köpçekke taqdir oşay –
Aylana kete,
Aldata, biznen oynay
Ve sersem ete.

Bağlama:

Aylana köpçek, aylana köpçek,
Taqdir bizge küle baqa.
Aylana köpçek, aylana köpçek,
Bu ömrümüz accı şaqa.

Ne qanun bar ne nizam
Onıñ yolunda,
Oyuncaqtır er adam
Onıñ qolunda.

Bağlama.

İstese taqdir alıp
Quşday uçura,
İstese ayaq çalıp,
Bir tepme ura.

Bağlama.

Bağlama.

Aylana, aylana, aylana, aylana...
Aylana em köpçek, em bizim başımız.
Aylana, aylana, aylana, aylana...
Em yalan em kerçek bu faniy dünyamız.

Edip Asanov

Bağçasaray aralıqları

sözler – Şakir Selim ve Edip Asanov, muzıka – Edip Asanov

Ömürim kervan kibi
Keçe közüm ögünden.
Balalıqtan ösken yerim
Çıqmay esimden.

Bağlama:
Bağçasaray aralıqları
Yaşlıgım siznen bağlı.
Alçaq yüksek evleriñiz
Aqlımda qaldı.

Bağçasaray aralıqları
Yaşlıgım siznen bağlı.
Alçaq yüksek evleriñiz
Aqlımda qaldı.

Sırlı çeşme savusqan.
Şabalta aşlıq bazar
O maalleler, o soqaqlar
Aqlımda tura.

Bağlama.

Ğam ve qasevetlerni
Sizler ile men böldim.
Sizler ile efkârımda
Yırladım, küldim.

Bağlama.

Çürük Suvniñ boylarında
Tamır atqan selbileriñ
Neçün ösmey, neçün qavray?
Otuz eki ay yıldızıñ qayda batqañ,
Söyle maña Bağçasaray, Bağçasaray...

Edip Asanov

Biñbaşqoray

sözler – Ablâziz Veliyev, muzıka – Edip Asanov

Çöl yolunda men keterdim,
Yel kene ese edi.
Öz-özümnen laf eterdim.
Maña qoray rastkeldi.

Meraqlandım, tüşündim men,
Şu daqqada toqtadım.
Yançıǵına oturdım men
Ve qoraydan soradım:

Baǵlama:

Biñbaşqoray, biñbaşqoray,
Bu dünyada qıdırasıñ neni?
Yoluñ tegiz, ğam-kedersiz,
Onçün men azçıq künleyim seni.

Toqta qoray, aytçı qoray,
Men iç de bilmeyim, ne eteyim?
Başım alıp, oyǵa dalıp,
Men de seniñ artiñdan keteyim.
Başım alıp, oyǵa dalıp,
Men de seniñ artiñdan keteyim.

Dört tarafım da qıbladır,
Kene dünya tar maña.
Belki çastım yollardadır,
Qoşulayım men saña.

Yel kibi men tez çaparım,
İç de qalmam artiñdan.
Öz bahtımnı men taparım,
Bir-de-bir çöl yolundan.

Baǵlama.

Edip Asanov

Çalğıcı

sözler – Yunus Qandım, muzıka – Edip Asanov

Ah, felek, bilezlik taqtıñ
Sen benim qoluma.
Keçilmez dağlarını yıqtıñ
Aylançıq yoluma.

Ah, çekip cefadan qaldıñ
Yoq onıñ ilâcı.
Sel kibi ömrümde qaldı
Tıñ liman çalğıcı.

Bağlama:

Çal maña, çalğıcı,
Derdimni unuttur, yalvaram.
Çal maña, çalğıcı,
Çalğıñnen yanığımını al.

Çal maña, çalğıcı,
Sızlap acıtmasın şu yaram.
Çal maña, çalğıcı,
Ağlatta, sabağace çal.

Bu yalan dünyanıñ çarqı
Aylanıp talmadı.
Ne asret, ne sevgi farqı
Men içün qalmadı.

Yollarda qaldım men ğarip
Yanığım pek accı.
Bu öksüz göñlüme tabi
Sen, usta çalğıcı.

Sen çalasıñ, unutasıñ öz dünyanıñı.
Sen belkim de özüñ de bilmeysiñ bir tılsımcı olğanını.
Deñizge aşıqqan özenler kibi insanlar saña uzana.
Taş yürekli adam bile seni diñlep oylana.
Çal, çalğıcı. Parmaqlarıñ bir vaqıt talmasın.

Edip Asanov

Çüberekçi Nafe

Menim adım çüberekçi Nafe.
Yemeklerim pişirem de satam.
Çüberekke kele bütün Kefe.
Saba-aqşam ocağımni yaqam.

Hamırımni aqşamdan men bassam,
Saba erte çıkararım çüberek.
Azırlağan yemeklerim satsam,
Pek quvanam, maña başqa ne kerek.

Ah canım, yolcu, bur yoluñni maña,
Kel yanıma, çüberek men aşatayım saña.
Ah canım, yolcu, bur yoluñni maña,
Kel yanıma, çüberek men aşatayım saña.

Menim adım çüberekçi Nafe.
Yemeklerim suvlu da yağlı.
Meni çoqtan bile bütün Kefe.
Menim ömrüm çübereknen bağlı.

Hamırımni aqşamdam men bassam,
Saba erte çıkararım çüberek.
Azırlağan yemeklerim satsam,
Pek quvanam, maña başqa ne kerek.

Ah canım, yolcu, bur yoluñni maña,
Kel yanıma, çüberek men aşatayım saña.
Ah canım, yolcu, bur yoluñni maña,
Kel yanıma, çüberek men aşatayım saña.

Edip Asanov

Deñiz

sözler – Ablâziz Veliyev, muzıka – Edip Asanov

Yaz keldi, yaz keldi,
Deñizge barayıq.
Şu temiz avanı,
Köpürgen dalğanı.
Quçaqlap sarayıq.
Şu temiz avanı,
Köpürgen dalğanı.
Quçaqlap sarayıq.

Yaz keldi, yaz keldi,
Oynayıq, küleyik.
Suv, küneş, altın qum,
Şeñlikten bir yutum,
Şay sefa süreyik.
Suv, küneş, altın qum,
Şeñlikten bir yutum,
Şay sefa süreyik.

Bağlama:

Deñiz, deñiz, Qara deñiz,
Menim ömrüm sennen bağlı.
Deñiz, deñiz, Qara deñiz,
Aqlımın bütünley aldıñ.

Yaz keldi, yaz keldi,
Deñizge barayıq.
Yalıda tavlınıp,
Yuvunıp, raatlanıp,
Küneşte yanayıq.
Yalıda tavlınıp,
Yuvunıp, raatlanıp,
Küneşte yanayıq.

Yaz keldi, yaz keldi,
Zevq, sefa ve sağılıq.
Dalğalar çağıra,
Seslene çağala,
Quvana ortalıq.
Dalğalar çağıra,
Seslene çağala,
Quvana ortalıq.

Bağlama.

Edip Asanov

Ep bir

sözler – Yunus Qandım ve Edip Asanov, muzıka – Edip Asanov

Şu közleriñde men kün-künden batam,
Seniñ adıñnen yuqlamağa yatam.
Sen ise meni külesiñ, baqmayıp çetten yüresiñ,
Lâkin, bil, benim güzelim, közüñe baqıp aytam:

Ep bir seveceğim, ep bir yeñeceğim,
Ep bir olacaqsıñ sen benim,
Qaçma bulut kibi, turma suvuq kibi,
Ep bir saracağım men seni.

Erişseñ de ep bir artıñdan yanam,
Cilveñe de baqmayım da, dayanam,
Elemge yürek tolsa da, hayalım uzaq olsa da,
Lâkin, bil, benim güzelim, tek bir şeyge inanam:

Ep bir seveceğim, ep bir yeñeceğim,
Ep bir olacaqsıñ sen benim,
Qaçma bulut kibi, turma suvuq kibi,
Ep bir saracağım men seni.

Edip Asanov

Fal

sözler ve muzika – Edip Asanov

Qara qave, qara qave,
Seni qave er kes seve.
Seni içip fal baqamız,
Öz-özümüzni aldatamız.

Bala kibi aldanamız,
Lâkin ep bir inanamız.
Falcılarğa fal baqmağa
Kene-kene yalvaramız.
Falcılarğa fal baqmağa
Kene-kene yalvaramız.

Ah canım falcı, filcanıma baqsa da,
Falımnı açıp kelecək de aytsa.
Göñlüme afyon sözçikleriñ seniñ de,
Ah canım falcı tavlandırçı meni.

Ah bu fallar, ah bu fallar –
Tatlı ballı çoq yalanlar.
Yalanlarıñ soñu da yoqtır.
Ayneciligi pek yaman çoqtır.

Bala kibi aldanamız,
Lâkin ep bir inanamız.
Falcılarğa fal baqmağa
Kene-kene yalvaramız.
Falcılarğa fal baqmağa
Kene-kene yalvaramız.

Ah canım falcı, filcanıma baqsa da,
Falımnı açıp kelecək de aytsa.
Göñlüme afyon sözçikleriñ seniñ de,
Ah canım falcı tavlandırçı meni.

Qara qave, qara qave,
Seni qave er kes seve.
Seni içip fal baqamız,
Öz-özümüzni aldatamız,
Öz-özümüzni aldatamız,
Öz-özümüzni aldatamız...

Edip Asanov

Gemiler

sözler – Ablâziz Veliyev, muzıka – Edip Asanov

Gemiler çıqalar deñizge,
Bunı er kün körem.
Ne içün yan-yana göñlümde
Em quvanç, em elem?

Alıp ketiñ meni, gemiler,
Arzıma yeteyim.
Kim bile yarın ne olur?
Men dava etmeyim.

Bağlama:

Gemiler, gemiler,
Alıp ketiñiz siz meni
Uzaqqa, uzaqqa,
Mas-mavı deñizge.
Gemiler, gemiler,
Alıp ketiñiz siz meni
Uzaqqa, uzaqqa,
Yalvaram men sizge.

Gemiler çıqalar deñizge,
Şay keçe kün künden.
Er saba men bunı körgende
Sevinem göñülden.

Alıp ketiñ meni, gemiler,
Ufuqlar yüzüne.
Dalğalar maña ses berip,
Çağıra özüñe.

Bağlama.

Bağlama.

Edip Asanov

Milletim

sözler – Yunus Qandım ve Edip Asanov, muzıka – Edip Asanov

Ah milletim, men seniñ balañım, milletim.
Sen qısmetim, insafım benim ve quvetim.

Nasıl dülborsiñ, dülbersiñ, dülbersiñ...
Sensiñ benim qanımda,
Sensiñ benim canımda,
Sensiñ dinim, añımda,
Menim milletim!

Ah milletim, dev yürekli batır milletim,
Biñ selâmlar saña, benim bitmez ürmetim.

Nasıl dülbersiñ, dülbersiñ, dülbersiñ...
Sensiñ benim qanımda,
Sensiñ benim canımda,
Sensiñ dinim, añımda,
Menim milletim!

Milletim, biñ asırnı sen tespi kibi çekip keldiñ.
Qırımatar ulu adıñnı sen bütün dünyağa bildirdiñ.

Ant ettim men, söz berdim men millet için can bermege.
Körip, turıp milletimniñ közyaşını silmege.

Ant ettim men, söz berdim men millet için can bermege.
Körip, turıp milletimniñ közyaşını silmege.

Edip Asanov

Nezetli türkü

sözler – Seyran Üseinov ve Edip Asanov, muzıka – Edip Asanov

Bizim aşlarğa belli,
Dünyada yetken yoq.
Olar em de nezetli,
Em de pek yaman çoq.

Qavurmalar, maqarneler, sarma, dolmalar,
Aman!
Bastırmalar, köbeteler, çeşit şorbalar.

Bil, tatarlar yemeklerini
Sayıp başlasañ bitmez.
Oların nezetlerini
Maqtamağa söz yetmez.

Tataraş, burma kebab,
Baqlalı laqşa.
Bu aşlardan sen aşap,
Biñ yıllar yaşa.

Raqı, şarap içip bilseñ ikinci künü
Aman!
Baş ağırmaz yazma içseñ unutma bunı.

Bil, tatarlar yemeklerini
Sayıp başlasañ bitmez.
Oların nezetlerini
Maqtamağa söz yetmez.

Qaveçikten başlasañ,
Tatlı şekerden.
Soñ toyğance aşasañ
O yemeklerden.

Loqumlardan, elvalardan, canım nazlanır
Aman!
Şerbetlerden tatlılardan başım aylanır.

Bil, tatarlar yemeklerini
Sayıp başlasañ bitmez.
Oların nezetlerini
Maqtamağa söz yetmez.

Edip Asanov

Oñ ayaq

sözler – Ablâziz Veliyev, muzıka – Edip Asanov

Uyanğan soñ küneşnen
Saba keyfin sürüñiz.
Bismillâ dep töşekten
Oñ ayaqnen turuñız.

Oñ ayaq, oñ ayaq
Yol açar ve küç berir.
Oñ ayaq, oñ ayaq
Bahtıñızni ketirir.

Sol ayağıñnen tursañ
Bereket kelmez saña.
Bir şeyni sen başlasañ
Qarışır şeytan oña.

Davanı, şübeni,
Epsin çetke taşlañız.
Er kün saba işlerni
Oñ ayaqtan başlañız.

Bağlama:
Aqlıñızda tutuñız,
Oñ ayaqnen turuñız.
Unutmañ bu şeyni,
Bir vaqıt adaşmañız.
Er saba işlerni
Oñ ayaqnen başlañız.

Qısmetli olmaq isteseñ
Oñ ayaqnen tur saba.
Şu niyetnen yürmeñ
İş keter artqa taba.

Em kündüz, em gece
Men isteyim aytmağa:
Ömürler tez keçe,
Ne kerek yañlışmağa?

Bağlama.

Edip Asanov

Paralar

sözler – Edip Asanov, muzıka – Edip Asanov

Kimersinde o şey çoqtır,
Kimersinde o şey yoqtır,
Lâkin er keske kerektir.
O olsa – biñ berekettir.
O şey – bir nezetsiz baldır,
Muqayt ol, o, cin, şeytandır.
Er vaqıt cepte tura,
Bar, kimden (i)steseñ sora,
O şeyniñ adı para!

Keçe yıllar, zamanlar,
Dünyalar deñişe,
Yaş ayaqçı, paralar –
Dep, bizge erişe.
Töküle, saçıla, baht quşları – paralar,
Qızıllar, yeşiller, mavılar ve sarılar
Töküle, saçıla, baht quşları – paralar,
Qızıllar, yeşiller, mavılar ve sarılar.

“Para” degen şey, bir tozdır,
Belki de bu doğru sözdür,
Lâkin o, doğru olsa da,
Şu tozğa cebim tolsa da,
Oña toymaq iç olmazdır,
O, çoq olsa da pek azdır.
Em kele o, em kete, er kesni deli ete.
Bugün bar, yarın bite!

Keçe yıllar, zamanlar,
Dünyalar deñişe,
Yaş ayaqçı, paralar –
Dep, bizge erişe.
Töküle, saçıla, baht quşları – paralar,
Qızıllar, yeşiller, mavılar ve sarılar
Töküle, saçıla, baht quşları – paralar,
Qızıllar, yeşiller, mavılar ve sarılar.

Edip Asanov

Qırımtatarım men

sözler – Yunus Qandım, muzıka – Edip Asanov

Dünyada acayip türlü yerler bar:
Singapur, Stambul, Parij, Malta, Rim ve Zanzibar.
Olar belki de dülber körünir saña,
Lâkin nege kerek, aytçı sen, o güzel yerler maña?

Bağlama:

Qırımtatarım men, vatanım Qırım.
Ateşke kirip çıqsam da, ep bir kene aytırım:
Qırımtatarım men, eşit, ey, alem,
Tırnaq(qa) qadar Qırımım, iç de saña deñişmem.

Or Qapı yelleri – qanatım benim.
Çatır Dağ, Qara deñiz – küç ve taqatım benim.
Halqımniñ beşigi bu yeşil ada.
Qana, aytçı ondan güzel yer barmı eken dünyada?

Bağlama.

Bağlama.

Bağlama.

Qırımtatarım men!

Edip Asanov

Selâm aleyküm

sözler – Yunus Qandım, muzıka – Edip Asanov

Dünyada bar bir söz er kün ayılır.
Bilesiz onı sizler çoqtan.
Yürekten yürekke tez yetip barrır,
Yahşılıq ister onı aytqan.

Bağlama:

Selâm aleyküm, selâm aleyküm
Böyle selâm bereler.
Selâm aleyküm, selâm aleyküm,
Eski aziz sözler.

Selâm aleyküm, selâm aleyküm
Bunu kimler bilmez?
Selâm aleyküm, selâm aleyküm,
Selâm degen söz iç ölmez!

Selâm, selâm...
Eviñizge qısmet kelsin.
Selâm, selâm...
Alla sizge sağılıq bersin.
Selâm, selâm...
Yüreklerge quvanç tolsun.
Selâm, selâm...
Sizni körgen bey olsun.

Bulutlar dağılsın, quvansın dağlar,
Mavı kök sizge külip baqsın.
Alladan isterim ay ve yıldızlar
Tek sizler için kökte yansın.

Bağlama.

Edip Asanov

Selâm saña, qara deňiz

sözler – Yunus Qandım, muzıka – Edip Asanov

Selâm saña, Qara deňiz,
Yıllar keçip körüştik.
Menim alım fena degil,
Tek başıma çal tüşti.

Ya, sen deňiz, neler kördiň,
Neçün közüň yaşlana?
Ağlama sen, buzlar köçti,
Yaňı ömür başlana.

Selâm saña, Qara deňiz,
Ayt sen maňa alıňı.
Öpem seniň yaňgız qalğan
Taşlarıňı, yalıňı.

Tek bir şeyni yahşı bilem,
Sensiň benim taqatım.
Sennen ağlap, sennen külem,
Sensiň benim ayatım.

Eger ölse, seniň yalıň
Olsun benim mezarım.
“Selâm saña, Qara deňiz”,
Kelip aytır ballarım.

Bugün saña dua etem,
Üzülmesin nesilim.
Menim ömrüm, benim Allam
Sensiň, Qara deňizim.

Seni oylap, asret çekip,
Qaç kereler men öldim.
Saña deňiz qaytmaq için
Qaç kereler, tirildim.

Bugün saña dua etem,
Üzülmesin nesilim.
Menim ömrüm, benim Allam
Sensiň, Qara deňizim.

Edip Asanov

Sen barsıñ dünyada

sözler ve muzıka – Edip Asanov

Sen olmasa ediñ, men ne yapacaqtım?
Sen ömrüme keldiñ, sađ olsun felek.
Bu ayat yolunda sensiz yanacaqtım.
Sen barsıñ dünyada, daa ne kerek.
Sen barsıñ dünyada, daa ne kerek...

Men seniñ toprađıñ, sen benim suvumsıñ.
Men seniñ yaprađıñ, sen ise terek.
Sen benim ömrümde küçüm, taqatımsıñ.
Sen barsıñ dünyada, daa ne kerek.
Sen barsıñ dünyada, daa ne kerek...

Olđanıñ içün, sevgeniñ içün, ballarım içün
Sađ ol, apayım.
Olđanıñ içün, sevgeniñ içün, ballarım içün
Sađ ol, apayım.

Bil, biñ kere aytsam, sevem sözün azdır.
Bil, biñ kere sarsam, qanmaycaq yürek.
Bil, seniñ yanıda benim ömrüm yazdır.
Sen barsıñ dünyada, daa ne kerek.
Sen barsıñ dünyada, daa ne kerek...

Olđanıñ içün, sevgeniñ içün, ballarım içün
Sađ ol, apayım.
Olđanıñ içün, sevgeniñ içün, ballarım içün
Sađ ol, apayım.

Yıllar kelecek, ketecek,
Göñlüm tek seni sevecek.
Bahtım içün, sıcaq qorantam içün
Sađ ol, apayım.

Edip Asanov

Unutma tek...

sözler – Yunus Qandım, muzıka – Edip Asanov

Çoqtan berli, oğlum, saña.
İstey edim añlatmağa,
Doğru yollar, bilem, ararsıñ sen.

Qayda ketseñ, qaydan qaytsañ,
Altın saray, ya çalaşta yatsañ,
Unutma tek – qırımtatarsıñ sen.

Qayda ketseñ, qaydan qaytsañ,
Altın saray, ya çalaşta yatsañ,
Unutma tek – qırımtatarsıñ sen.

Keçer künler, keçer yıllar,
Açar güller, aqar suvlar.
Küneş kibi doğar batarsıñ sen.

Untursıñ sen, ateş, buzı,
Qatqan ötmek ve mubarek tuzı,
Unutma tek – qırımtatarsıñ sen.

Untursıñ sen, ateş, buzı,
Qatqan ötmek ve mubarek tuzı,
Unutma tek – qırımtatarsıñ sen.

Dünya saña başın eger,
Duşman ve dost qoluñ öper.
Cennet yolun barıp taparsıñ sen.

(İ)steseñ oğlum, meni unut,
Kökni yaqıp, deñizlerni qurut,
Unutma tek – qırımtatarsıñ sen.

(İ)steseñ oğlum, meni unut,
Kökni yaqıp, deñizlerni qurut,
Unutma tek – qırımtatarsıñ sen.

Menim oğlum, tatar adı
Dedelerden bizge qaldı.
Bayraq kibi köter kökke onı!

Şeit ketken atalarnıñ,
Ve kelecük bütün evlâtlarnıñ,
Aşqı içün unutma sen bunı!

Şeit ketken atalarnıñ,
Ve kelecük bütün evlâtlarnıñ,
Aşqı içün unutma sen bunı...

Edip Asanov

Yel

sözler – Yunus Qandım, muzıka – Edip Asanov

Yel! Sen dünyanı kezesiñ yel.
Qayda qaldıñ? Yetiş de kel.
Yel! Azatlıqıñı yahşı bilgenen,
Yüregime ilham bergen,
Mavı kökte uçqan yırımıñ.

Yel, yel, deñişmeler ketir
Yel, yel – keldi zaman.
Yel yel, deñişmeler ketir
Yel, yel – keldi zaman.

Yel! Tınçıq ayat meni ezdi,
Yuqlamaqtan közler bezdi,
Qanatlarım seni bekleyler.

Yel! Pek sağındı seni yürek,
Maña bazen de tez kerek,
Hayallarım uçmaq isteyler.

Yel, yel, deñişmeler ketir
Yel, yel – keldi zaman.
Yel yel, deñişmeler ketir
Yel, yel – keldi zaman.

Edip Asanov

Yol

sözler – Yunus Qandım, muzıka – Edip Asanov

Bosağam benim, yolumniñ başı.
Körülmez onıñ çuqurı, taşı.
Men çıqam yolğa, dünyamnı taşlap.
Aylana felek, o-of, köpçekke oşap.

Bağlama:

Yol, yol,
Qısmetimsiñ, yol, yol,
Taqdirimsiñ, yol, yol,
Ömürimsiñ, yol.

Yol, yol,
Qısmetimsiñ, yol, yol,
Taqdirimsiñ, yol, yol,
Ömürimsiñ, yol.

Uzana yollar, aylançıp yollar.
Kim bilir qayda ketirir olar.
Qayerde toqtar ömrümniñ yolu,
Bunı iç bilmez, o-of, Allanıñ qulu.

Bağlama.

Menim yüregimden keçip ketken yollar.
Ufuqlar artına saqlanalar.
Sanki güna ve savapnı özüne alıp,
Duva içün kökke uzanğan yollar...

Bağlama.

Edip Asanov

Zarema

sözler – Edip Asanov, muzıka – Edip Asanov

Saňa yüregim açayım, Zarema.
Sevgi gönlümde saçayım, Zarema.
Seniñle olsam sevinem, Zarema.
Dünya malım sen bir danem, Zarema.

Bağlama:

Seni körgende güzelim quvanam.
Tatlı sözüne bir vaqıt toyalmam.
Sevem... Sevem... Sevem...

Seni aşkımdan başçığım aylana.
Saňa yüregim kün-künden baylana.
Sevem... Sevem... Sevem...

Yıllar kerecek, ketecek, Zarema.
Gönlüm tek seni sevecek, Zarema.
Seniñle bahtım körecem, Zarema.
Seniñle yanıp sönecem, Zarema.

Bağlama.

Bağlama.